

BE.12. DIPUJI ROHANGKON DO HO (G=1)

=====

B.E No.12 DIPUJI ROHANGKON DO HO BL. 15

1. Dipuji rohangkon do Ho Jahowa, Tuhanki
Huhut hubaritahon do Sude pambaenanMi
2. Huboto Ho do mual ni Na denggan sasude
Dilehon Ho do sian i Godang di hami be.
3. Ai aha ma adong hian di hami na lea?
Sude dilehon Ho nian O Tuhan Debata
4. Ai Ho do na margogo i Sitompa sasude
Ho do na pangoluhon i Nang marmuduhon pe.
5. Di langit ni langitan i na hembang songon haen
Marriburibu bintang i Tung ise do mamabaen ?
6. Tung ise do na basa i Manatap hita be
Na pabornokkon hauma i Parngolu di sude ?
7. Gok eme angka sopo i Tung ise do mala
Nang sasude bohalta i Nda Tuhan Debata ?
8. I ma tutu, o Debata Dilehon Ho sude
Ai Ho do na tongtong basa Manumpak jolma i.
9. Dipinsang Ho pe hami on Dibahen dosa i
Sai dipalambas Ho tongtong Roham na denggan i
10. Ai molo marsak rohangki Dibahen dosa i
Mura do mulak rohaMi Manesa salangki
11. Diapul Ho do sasude Na marsak roha i
Diduduk Ho iluna i Tu parningotanMi
12. Sai disarihon Ho sude Di hasiangan on
Tu daging nang tu tondi pe Panongos Ho tongtong
13. Antong boasa ma tungki Ho ale tondingki ?
Haposi ma Debatami Sitompa sasude
14. Nandang dung marsala Debata Tu ginomgomNa i
Ai manang dia pe dibaen Denggan ujungna i.
15. Antong pasombu Debatam Mambaen ture langkam
Asa tongtong sonang rohaM Timbul dohot tuam.